

戒菴老人漫筆

戒菴老人漫筆序

利城蓋有李先生云先生名誦字
原德有道君子也號戒菴老人名
所著書曰漫筆者不以品列不
以類分不以甲乙次第為先後隨
筆輒紀隨紀輒書故云漫其書

浩汗縱橫闔閭變幻鴻纖並顯
靡所不有不獨成一家之言且也該
衆作之奧此之爲書沈之者哉益
不博古者不睹千秋不通今者不
鏡當代不語大隘而不廣不語細
疎 正也 經不窮列昭淵源

不閱史不識古今治亂不譚詞賦
風雅之表不探名理精微統絕
不談覽不淹通不蒐羅不閱肆
不論俗不知萬姓之隱不述怪不
窺六合之外不談諧不玩世不神
仙不消搖不表忠貞人倫不顯不

我克侯禱机遁藏故皇農義早
以博古廟謨聖乘以通今四方上
人以語大男女居室以語細詩之
禮樂以明經累朝歷國以閱史
雕龍纂組而談詞賦道德性多而
探名理丘墳汲冢醫卜農圃而

談覽天人王霸窮髮鬼夷而蒐
羅街談市談金土兼而語俗生
鬼蛇神豕立石言而述性射覆滑
稽談言微中而詆諧飲食冲舉
騁騫馭鵲而神僊成秋霜縻
軀碎骨而表忠貞隱匿暴行惡

貫幽明而載兇佚斯非所謂可書
可愕可憤可悲嬉笑怒罵皆年
文章者耶之以代蒼輶之筆應
所忠之求矣馬遷採七十二家言
而成史記異時

天子開石渠虎觀詔諸儒撰一代

正史是編寧結舍梅先生少游邦
學試尤高等七應都試悉報罷
晚入南雍一謁選人即棄去舊知
居要津者絕不交通或欲式屋以
避匿有司往勸駕稽顙稽主臣
而已踐更租庸先期而翔曰我寧

往役不往見也歷年八十八始卒
故自名老人嗟事素何不獲遂
於國老庶老之列袒割醢醢授
几與杖以贊

休朋至理乃終老田畝而沒
與非有司之過與屬余序者誌

孫如一名鶚神今以字行志爲文
能繩祖武者也

太原王穉登撰并書

先大父戒菴翁歷世八十有八年少遊郡校
七試場屋繼就南廡一謁選曹旋棄不赴日
以典籍自娛即舊師友有當途者絕不與通
間承下訊勤渠亦徃徃避却遇賢有司勸駕
第九頓致謝而已惟塵外隱淪清言斐亶辨
古今譚稼圃其人也者對之則听然而咲不
厭也蚤歲課業必紀已稍稍旁及奇聞異見
晚乃紀歲月陰晴里閨人事每於披閱所得
目前所傳感愴所至無論篇章繁簡意合興

到隨筆簡端自署曰戒菴老人湯筆積成數冊投諸篋中癸巳歲夏五不幸背棄越明年踰小祥父理故篋得世德堂吟稿四冊名山大川記八冊心學摘要一冊獨所謂湯筆者擲久蠹食頗致損缺父呼鶚曰此汝大父手澤小子其補綴而什襲之逮十月七日陰雨中抽冊翻視髣髴音容不覺泫然見其中條列上搜

國家之逸載下收鄉邑之闕聞參訂往籍糾核

時事凡可裨於日用兼有資於解頤者多彙
萃焉先大父原無意著述故僅僅雜出互見
于日課陰晴人事之間追曩家塾緒論耳之
所習尚倍於此蓋特千百之什一耳况又裒
於蠹餘者乎然嘗嚮知鼎不嫌其寡衆口相
似當有嗜者鶚因檢括要領畧為品目標於
卷首是又三月初十燈下昉也嗟嗟惟躬涉
久故四朝之睹記若一瞬惟腹儲廣故百家
之指示如一轍始於曼衍終臻要玄闕為家

珍幽懷誰賞爰命小史分手謄出將公稅林
緣不獲同志揚摧因循三載輒發輒止今年
秋幸起濂周先生譙光慨然任校勘之勞計
帙折衷釐為八卷遂告成編前後一遵原筆
不敢稍有更置竄入茲直識其顛末云爾時
在萬曆丁酉歲仲秋乙酉日冢孫鶚紳百拜
謹識

戒菴老人漫筆總目

卷之一

太祖御札

祭廟饅頭

太祖駕幸君山

梁棟注油

鳳陽父老

正德儀衛

輦轂巡更

宮女護領

揀花舍人

古陰陽地字

梁四公

太祖駕幸顧龍山

罩甲

瓊花鎮連坐

江陰異魚

鷄鳴寺鎮寺經像

念佛刻石

驗月體

陰陽互藏

五行生剋

禮緯含文嘉

宣德御畫

天台山竒迹

張乖崖論陰陽

嗔疑

木皮代瓦

宸濠元宵紙船

江西蚌眼謠

舉逆禍兆

江西西科併取

陸墓促織盆

江陰三勝事

江陰徐世英異寵

妓巧慧

沈括論字體

論神光經

論路史

字音讀誤

流賊題驛

歌童書筭奇遇

郡庠銀杏火發

聽松寺

遊春黃胖詩

靖江漂沒

國初諱用元字

八歲知畫

論存經議經

大碓黃

辨珠法

腊字

文士潤筆

燒成骰子

古塚厚蛤壳

倒掛鳥

接脚

殺邊樂

戴文進不遇

畫士二呂

石鵠石斑魚

江陰人題昭君圖

江陰北門周烈女

嘲李楊二相

夏考功轅聯

姦盜皆以詩免

端陽競渡圖

賜吃不落英不落莢

辨鶴鹿雌雄

南都打春

男子生產

江陰鄉賢名宦

梁武宋祖詩識

石田為賣骨畫書對

鄔駙馬對

錢寧晒衣

論眉鬚

獸皮

江陰丘氏蘭亭

牙牌排衙

一乳三子

玄妙觀宋時鐘磬

京城雨錢

郭戴幼穎

筌篋

南京謠

諾臯記

周髀算尺

僊游祈壽

斑般字韻詩

宋時江陰劉谷

論辨姦論族譜亭記

清明上河圖

半印勘合戶帖

閹寺騷擾

東坡公援

附節山谷跋語

犬怪

在官有族犯皆去職

江陰朱子同年

咸通中江陰令精察

褚先生

倭國春畫

科場貴善運善藏

胡端敏自贊

附論公奏疏

卷之二

狔貉七夕沐髮

保保六月年朝

江陰湯大理恩賚

劉誠意丹青

半黑大珠

五歲破題

拽石難

授書中貴

慶成宴

廟壇

江西樟樹

殿上金佛

十可咲

蟬背字

久瘖因怒能言

劉艮齋娶妾同姓

孝陵中途石壁

琵琶聲梅花泡

趙松雪印色方料 二古錢形

寶石名色 宋潘衡墨

雷擊柱 虹霓兆元

宋銅鐘 壘畫雲雷象

江陰青山古跡 燕巢紙燈蓋

鄭樵食鑑 產鬼物

江陰白鸚鵡 嘉定鷄金壇鵝

校蘭亭點畫 天然對偶

繼統祭告宗藩 宋張行婆

唐肅墨跡

百家姓不同

千字文重複

猿忌食肉

經山晉杏

三角三眼牛

內閣體

選妃

試錄原始

木鸚鵡瓦盃自動

孔獨清顯靈

辛卯二舉人定數

夢溪論鯉

無錫城門獲虎

教職淨身

二家曆法

嚴大理遺事

讀書法

辨達磨面壁影

高季迪少時題畫

岳武穆請糧印

易學三書

孟子古本刪本

十字碑

辨齊衰復讐

葉艾齋八戒詩

三全三養四印

蓮社十八賢圖

桑民懌落乙榜

鐵椎銘

卷之三

戒石銘

辨博物志

駁靈芝圖

雨下失魚

墨子夏后開

元史二傳誤複

王質論紀年

降真香

西域記一事相類

論善惡語有本

釋廣弘明集字殊

兔亦有雄

鄭所南傳

先儒用方言

祝吁

縣尹事用誤

韓集百葉桃

伐侂冑祖隴竹

御用筆

方正學禍蔓

梁文俞事

駁李靖行雨事

不知章草

蘇咏妓誤使事

趙同

晉多用信字

唐詩用至竟

誌稱

張商英序素書

貫衆

洋溝

甘焦

悼陸全卿詩

北海東坡書源

麻喙籠統趙

杜順法界觀

演卦為神農

中山王御碑跋

蔡父子相軋判

淫色為風

論格致辨千金方

搖籃

琵琶青塚

護花鳥

誤引不多食

周尚書談邊境

老儒遭困

塔影

德祐間子撰父志

武林俗呼

取蟾酥法

集覽誤認刊字

論補衡張華二賦

吳文恪公教外孫

茅山古跡

李文安公幼穎

唐大中時墓銘

山茶鳳仙蜀葵別名

曆書分色

鄭州風俗

黃公叔揚傳

附黃公詩

供閒選勝各八

姚少師官誥

燈謎

河豚有害

測影臺考

宣德詠撒扇

甲辰歲荒

鬚鬚等名不同

楚世子弑逆

丙丁龜鑑

南村草堂記

張脩撰緝屋

神僊粥方

迎武宗駕還帳詞

女辨繼母誣陷疏

瘞蠶得禍相同

西瓜

草窓鐵崖別號

松江張同知召變

江陰刊高麗圖經

卷之四

江陰胡節婦

漢肇手摹

任兵憲家書

江陰侯賜刀

常熟倭變

江陰邑令戰死

雨豆

江陰曹主簿捍城功

大蝙蝠

張羅峯

求亡子啓

徐子仁寵幸

錢寧嬖姓

唐中丞

黑豆丹方

三古人周急

已未歲荒

唐伯虎題畫

白日鬼縛兒

栢錫

壽木前定

續皇極經世

彭祖非壽終

邵詩三十六宮

禁宰犬豕

山魃

文信國公家書

改奉聖像

服玉泉法

宋時江陰王子開事

孝烈婦唐貴梅

定山雜詠卷

藥名傳文

辨為陳侯周臣

談參傳

海山覆敗

今古敦誼僕

麋霜鹿霜法

二孝子傳

附孝
丐兒

醉鄉律令

補班史闕名

泣鵠先生

治竈塚

拂水巖雄殿

陳同父中興遺傳

船神名

山林窮四和

卷之五

真率銘

統論山

論滁西澗詩

論杜牧之詩

兩郝天挺

嚴分宜幼穎及敗端

雪蛆冰蛆

化鬚䟽

空同咏望後月聯

論人生享用常理

禪玄二門唱

王右軍真跡

白沙習射幾受誣

李石麓應制詩

鬼言所畏二人

京師清明異寒

野趣老况詩聯

陸象山講洪範代醮

魯石塘武畧

訛言取綉女

唐伯虎漫興

男子變女

鶴外鷗

放翁記鄭謝事

西蠡白水有識

財主

倪雲林題亡室像

蔣陳二生

附王直徐
汝妓

嘲弇園

去目翳

句逗

閩恒言

三教贊相同

玉尺八

頭通稱

百六

張太岳善鑒文

綠鶻鵠

五風生日

土虺傷鶴膝發背方

曲賓白

西廂稱春秋

辨依倣白猿傳事

辨茶事引酪奴

辨誤認唧蛆

方氏蛇報事有相類

錢叅政僊游夢

靜坐方

論蔡君謨書

今古方言大略

紂啟同母

筆毫管

錢楊歲書可惜

馬烈死相同

君山浮遠堂舊聯

錢鶴灘館江陰遺詩

穠稭蠟矮

精氣二字

噴嚏

樹藝取暖

達炎間拆字

驗陰晴

鰻鱧有無

黃雀多寡

省鱗

有所思所載不同

二張遺跡客殮

第四泉

筠醬

本草品類分併

茶槍旗

孟子園池語

辨正百忍圖

瞿醉漁

辨水火炭

辭賦句體

裴航論虛實

僊女論身生致神

釋稱父母

玉川詩窮

梅國光兩次中式

論醫

焯掌

三絕三推

卷之六

江陰一時三忠

少游題龍眠圖誤

論少游用未央句

蘆菰白楊異名

安南鄧尚書

附陳日照

稼穡艱難

辨蘇小妹

糞田日

北地凍解

治虎傷

彩神圖

無首猶生

佛圖澄論敬慎

物名天然顛倒

趙定字父子苦志

爆亭姿詩

俗語誤語對

百合

種山藥等法

論柿柑橘

荷三色

韭菜所忌

賀資極三字謎

居喪所守

嘲賞銜傳奉

表舜臣詩謎夢驗

夏都憲詩

孫栢潭薊科預定

仄韻三絕句

趙林二輪迴事

不着不盡

宋慈雲僧夢

稻花驗米價

豆二佳種

押字原始

昔昔並

鶯鶯辭

石婆婆

寢輿鬼

才不足憑

邑城東門厄

廢宅賦別

泊暑撲風

猴畏

唐詩鼓吹誤收

日本婦飾

關世信釋道

論相

子言小說名

以支名書

馬鳳志

李衛公帖

薛華館試詩

月泉吟社

稱后妃之本

顧瑛詩

布穀鳥

筆御

蘇黃逸詩

張安道題漢高二絕

徐武功順正堂銘

楊五川題六如折枝

蒲補黑黃

武帝武后朝儀舉制

陸梳山居家制用

江陰令水利

異僧草書

三佳銘

卷之七

東廓師遺訓

王文成逸語

王文成墨蹟

劉元城論不必徇人

十二生肖

鸚鵡事相同

須臾步皆方言

西湖佳舫

羅一峯遺事

杜用文選

無行無學

釋稱娼女男色等名

論農無逸時

蘇人前後改名者

崔後渠名言

辨天祿閣外史

筆墨

張湯二公牡丹百詠

乳斷兆凶

論陳季昭畫

孝子王世名

古文已字

熟鷄奇變

咏桑螵等詩

不肖不係世類

父在觀志章書旨

神鵲鳴冤

東坡鴻泥托喻

論平仄

註參同契託名

陶仲文傳

附奉安雷壇疏

洞蠻口種人

容齋失考宣公事

匠班銀

江陵論財賦揭帖

廣譜

詩體

血氣精溢

挽送諫臣詩

張許詩文

三夸首蘇雪溪

書忍字前張後王

偽病字

救溺

治風狗毒蛇傷

芸窗父師集雲林柬

無武踏死二變

挽朱承爵詩

枝山論忘已責人

豆腐詩

療奇疾事

煮鵝詩

李柿蒲菊美稱

佳節月忌忌月

獲麟地

嘆嘆集

薛憲副三同年

論阿房宮賦

稱姪甥

趙僉憲寄贈詩

老子至言

斯文始終在岱嶽

卷之八

論賑濟遺糴

江陰侯孫

題李林甫詩

二王承襲語

論人貴溫和不慍怛

林和靖要語

闢謝土

塔中有塔

古人引用諺語

硯貴洗

擦圖書

治中滿腹脹

祀儀成典勅

佳茗比佳人

月影辨

鋤地得金印古硯

楸葉膏

論中山狼傳

論張江陵籍沒書

論大獄

何文肅論元順帝

教學字

鳳洲閣臣小斷

異物不可食

宋學士詩文

煮茗以足代薪

种英蘇冠

治廣瘡

倭房公賦

時執坊刻

相牛法

附治六畜病方

僧尼出家始

戒宿娼酗酒二文

論堪輿

論度廣狹二語

老年拘拘

遊月巖記

海棠

心齋論非上立黨

俗學俗書通弊

蜀道表忠有本

虞德園全孝圖并說

俞似詩

方正學咏宋詩文

孟勞白撰

木槿梔子胡茄別名

牟卯浙場中卷

當行利人事

論十王薦亡之誕

朝鮮國王咨

鄭端簡公訓子語

戒養老人漫筆摠目終

同治四年二月十五日...

飛菴老人漫筆卷之一

大清宣統元年...



江陰李詡

江陰侯停對追券在靖難時其裔孫所藏惟

太祖高皇帝未定鼎以前御賜四札在焉此

史冊所不載者謹錄之以為世寶

札中國興是侯初名

密旨教江陰衛指揮吳國興知會即目我用

馬軍往淮上取濠州安豐你那里則是守城

不須與人野戰你那城中馬軍可撥一百精

銳的教忽雷王元帥領來廝殺你料着不防

便撰將來

龍鳳十二年二月十九日親

筆 吳王令旨教連陽衛吳指揮如今賊寇

近我境界下營不問多少則是掣軍的法而

缺 你則是牢固守城不防可戰即戰不可戰

等大軍來与他厮杀

十二日

出

吳王

令旨教連陽衛指揮吳國興既是賊兵來近
境界邊相湏要嚴兵固守城池我城中糧食
草料廣有不必便与他戰不必便望應兵你
且守两个月日我方來救賊人此行不過則

是要解泰州之圍這等計量如何解得我既
是要征他城子了如何無隄備教他解了圍
他若要來時江南船都休出來惹放來上面
深入我境我自有分曉泰州早晚下你守兩
个月時泰州先下不要輕意与他戰你不見
浙東胡叅政兒子率兵守城如此謹慎長吳
小耿指揮也那般謹慎你兄弟二人及大小
頭目如何不強似他每則是牢守親筆出
閏十月十六日徐相國差屠千戶報到捷音

法華一卷
當日辰牌時分克復泰州城池了當全城軍

民尽皆俘獲

親筆

中有省筆一照原畫

祭功臣廟用饅頭一藏

五千四百八枚也

江寧上元二

縣供麵二十担祭畢送工部匠人作飯

聞父老相傳

太祖皇帝魯幸江陰有駐蹕意登君山望氣謂
主山卑客山高遂已之詔少年猶見山有紅
墻遺跡在也是時江陰侯家以鱸魚為上供
蓋江陰之貢鱸始于此主山謂君山客山謂

由里山臨幸為征石牌朱錠

錠張士誠之左丞也

工部脩

太廟梁棟皆堅立於殿每根頭鑿一

竅以滾桐油注之逐水且牢

太祖時鳳陽父老親自上壽以比豐涼至

太宗遷北京大朝年亦舉行後漸廢弛府縣督

遣近年有至中路逃歸者命嚴其禁至鎖項

批解上京殊失祖宗之意陳學士石亭說

武宗在南京儀衛有銅鑄人手掌連臂者或人

拳者皆柄長二尺馬上荷之後大白旗有威

武二字

北京皇城四面巡更諸舖周流傳警每夜內發
大鈴從東華門出至後宰門收一一交遞盡
七十二枚天明矣

宮女衣皆以紙為護領一日一換欲其潔也江
西玉山縣貢

南京舊制木犀開時造餅有揀花舍人五百

乾鑿度云元皇分雖測問墮隕注云古陰陽字坤鑿度

云孕靈坤注云古地字墜

梁四公記云梁天監中有蜀閬

上音攜下琛去馳杰上萬

越端

上贖下湍

仇督

上掌下覲

四公謁武帝

金壇城外顧龍山

太祖高皇帝時有于高五郎作亂親征魯驪

於此今有

御製詞刻石碑

單甲之制比甲稍長比披襖減短正德間創自武宗近士夫有服者

浮休薛章憲先生曾至南京淳化鎮主人謂曰我每家被江陰人害問其故曰

太祖時取張編脩到此墜金死以地方不即救
護四十家俱發充軍淳化鎮今多訛為瓊花
鎮云編脩乃張藻仲宣也

弘治三年九月邑之江濱有大魚橫死長十餘
丈首沉不可見腹仰而無鱗衆斲割之純膏
腥重不可食烹其油點燈未幾復為潮盪去
南京鷄鳴寺

太祖時有金字華嚴經一部沉香觀音一尊長
二三寸以金棺銀槨盛之俱遺鎮寺者主僧

住持交代則送禮部易封用印不可輒開
武宗至南京取去知

太祖所留復歸于寺

鷄鳴寺外石壁一帶嵌石十塊俱刻南無阿彌
陀佛云

馬皇后幸寺念佛一聲則刻一石

先儒言月體本圓受日之光今可驗者予得三
事人夜坐月色中身亦黑一也月缺時有暈
皆圓二也安南及西域尋斯干城月初已見

其半三也

綿紙有軟弱而聲甚啞者問其人曰此夏天所
造名為陰紙若冬天造者則有聲因可見陰
陽互藏之義先儒言水生燥火生濕曾試觀
粘膩之物以水或湯滌之則索然乾爽生燥
之謂也乾物火邊煖久則轉潮潤生濕之謂
也亦可見陰陽互藏之義

五行相生一順而生隨時不間五行相剋皆間
一物此亦自然不待安排今人論竹云公孫

不相見子母不相離亦有此理

禮緯含文嘉三卷共六十篇天鏡經上篇卷之一自一至十五地鏡經中篇卷之二自十六至三十四人鏡經下篇卷之三自三十五至六十序云紹興辛巳年十一月二十九日東南第三正將觀察使張師禹授多言天文災異占驗之說與各史五行志相類

宣宗皇帝畫五花馬白燕二幅俱親題賜太監袁琦者燕上柳葉飄洒用粉分筋柳幹顫掣

學南唐李後主金錯刀法此徐尚書晞家物
舊大街戴氏收又歸繖墩曹氏

天台山竒迹甚多寺池中有無腸魚無鬐螺螄
相傳昔有僧治此二物欲食人見者譏其釋
家傷生僧輒放之池中而活至今相生如此
太極注中張忠定公語公謂李昉曰子知事有
陰陽否對曰未也曰凡百公事未著字前則
屬陽陽主生也通變由之著字後則屬陰陰
主刑也刑貴正名名不可改

太玄經嘿凝俱去聲無聞見也

以木皮代瓦今陝西秦州等處房屋猶然

宸濠曾因元宵用紙造旱蓮船一隻頭作二獅子口俱銜錢傍列五道士冠皆斜側一竿半青至尾則否徧遊各街問人有曉其意者召來忽遇一秀才見云此甚有意召去問之對曰好一白蓮船兩司俱要錢五道官不正一竿清不全大喜留宴賞元寶一箇蓋江西有五道太守姓甘初政頗清故云

童謠云若要江西反除非蚌生眼後城中小兒
俱以蚶壳磨穿貫手指中為戲雖官府嚴刑
禁之不止果有宸濠之亂

宸濠舉逆日霹靂大震蒼蠅無數集頭上舟行
至江中見風不利欲轉問至何地對曰黃石
磯音協王失機怒斬舟人

正德十四年己卯科江西以寧藩之亂缺鄉試
嘉靖元年壬午科并取一百九十人

宣德時蘇州造促織盆出陸墓俗呼母音鄒莫二家

曾見雕鏤人物妝采極工巧。又有大秀小秀
所造者。无妙鄒家二女名也。久藏蘇州庫中。
正德時發出。變易家君親見。

江陰雖不稱劇邑。然有三事。夙然絕倫者。余為
拈出。地非帝鄉而有。

太祖皇帝故人焦千戶高尚如嚴光。事見寓圃
雜記。景泰七年丙子秋榜。吳放文舉。以春秋
學生。蒞解應天。徐泰士亨。以書經監生。蒞解
順天。兩榜首皆邑人同學。今學前有坊額。徐

公晞以吏員登八座。初授繕工經歷司都事。歷工部郎中。進兵部右侍郎。遷南京戶部左侍郎。正統初。以征雲南功。陞兵部尚書。曾為殿試讀卷官。刻銘惟書江陰人而已。事在國史。此三事。四方鮮有其一。惟合得之益奇。徐世英尚書晞之孫。其娶妻乃

英宗母孝恭皇后之姊所出。少時宮禁相習。正統某年。追憶勅問。知配與徐晞孫傳奉馳驛來京。朝見。用平頭巾。即今里老戴以接官。

者諭吏部曰朕豈有白衣親與他九卿望上官做科道交章論列聖旨批今後再有來說者打掉牙齒僅授中書舍人天順初遂陞通政使司通政前後閱四十年至弘治初始致仕蓋異寵云

三楊學士當國時有一妓名齊雅秀性最巧慧一日被喚衆謂之曰汝能使三閣老笑乎對曰我一入就令笑也進見問何以來遲對曰在家看些書問何書對曰列女傳三閣老聞

之果大咲乃戲曰我道是齊雅秀乃是臍下
臭蓋因其姓名之聲而譏之應聲曰我道是
各位老爹是武職原來是文官以文為聞也
三公曰毋狗無禮又荅曰我是毋狗各位老
爹是公侯侯者猴也

沈括論書曰寡在左則取上齊寡在右則取下
齊如從口從金此多寡不同也喩則取上齊
釳則取下齊如從未從又及從口從胃三字
合者多寡不同則叔當取下齊喟當取上齊

神光經術家妄作之書也無稽之甚

路史宋乾道中廬陵羅泌長原撰多載仙經識緯茫昧之說

賈胡藏珠都少卿玄敬讀作假而不為古音泛駕之馬陳學士魯南讀作汎而不為播音學其難矣哉

流賊趙風子就擒經河南題驛云魏國英雄今已休一場心事付東流秦廷無劍誅高麗漢室何人問丙牛野鳥空啼千古恨長江難洗

百年羞西風吹散窮途客一夜遊魏反故丘
鎮江楊閣老遽菴家小僕楊芝江陰徐葵亭某
所送歌童也

武宗臨幸見之問其名改賜為羊脂玉携至京
後黻回又有鎮江于鵬書筭初字克舉美容
儀是時楊令鵬接待

武宗見而問其名對曰于鵬賜字曰萬里其圖
書文曰天賜萬里二人之遭際何其幸與
常州府學銀杏西南一株嘉靖元年正月二十

一日火熒竅中、燄燄水不能沃至二十六日
而止、樹亦無害、說者言本府解元之應是科
華鑰也

無錫聽松寺為二泉公所得、有人揭其門云此
日暫為新相地、百年還是舊僧居

白懶隨記開禧權臣因賜南園、新成會諸朝士
席間分題有賦、遊春黃胖詩云、兩腳捎空欲
弄春、一人頭上又安身、不知終入兒童手、筋
骨翻為陌上塵、以為一朝士姓俞所作、又怕

顏錄載韓侂冑以冬日遊西湖寘宴南園席間有獻迎春黃胖者命其族子院判賦詩云
脚踏虛空手弄春一人頭上要安身忽然綫
斷兒童手骨肉都為陌上塵二詩一也而不
同如此丁晉公同夏英公看弄水枕丁屬夏
賦詩曰舞拂跳珠復弄丸遮藏巧便百千般
主公端坐無由見却被旁人冷眼看未來之
末路蓋兆于詩矣

嘉靖元年七月二十五日風潮大作是夜靖江

漂沒萬人崇明并沿江亦然

余家先世分開中寫吳原年洪武原年俱不用
元字想國初惡勝國之號而避之故民間
相習如此史書無所考見姑記之以詢之熟
典故者焉

元岳柱字止所八歲觀畫師何澄畫陶母剪髮
圖柱指陶母腕上金釧詰之曰金釧可易酒
何用剪髮為也何大驚異觀此可以知畫理
矣

三皇之書伏羲有易神農有本草黃帝有素問

易以卜筮存本草素問以方技存其天乎新

安王晦叔云

程子曰素問必出于戰國之末

大戴記之夏小

正管子之弟子職孔叢子之小爾雅古書之

存者三子之力也浚儀王伯厚云陸務觀

曰唐及國初學者不敢議孔安國鄭康成况

聖人乎自慶曆後諸儒發明經旨非前人所

及然排繫辭毀周禮疑孟子譏書之亂征顧

命黜詩之序不難于議經况傳注乎

安遠侯柳文家有雄黃一塊重五十斤每年五月用金盆架置堂上過夏乃收沈戒菴說常見云

試大珠以漆圓盤擲下連跳起不定者佳一下直轉者偽

市肆有鷄腊當隻白煮為之初不曉腊字之義易噬嗑六三噬腊肉謂獸全體骨而為之者周禮腊人注小物全乾為腊

嘉定沈練塘齡閒論文士無不重財者常熟桑

思玄曾有人求文託以親昵無潤筆思玄謂
曰平生未嘗白作文字最敗興你可暫將銀
一錠四五兩置吾前俟興後待作完仍還汝
可也唐子畏曾在孫思和家有一巨本錄記
所作簿面題二字曰利市都南濠至不苟取
常有疾以帕裹頭強起人請其休息者荅曰
若不如是則無人来求文字矣馬懷德言曾
為人求文字於祝枝山問曰是見精神否俗
取人錢錢曰然又曰吾不與他計較清物也好
為精神

問何清物則曰青羊絨罷

南京顧英玉璫知許州時掘地中得燒成骰子
一窖約兩三石每以六枚作小匣置之歸遺
親友蘇州沈辯之與文曾得之

青州城北四十餘里豐山下麥地古塚得厚蛤

壳

俗謂之綿歪
蘇人謂之倉蒲

四五千枚以錦綺重重

間鋪錦皆毀化壳背隨尖濶就臍作嘴二目
雙角短長異狀皆為鳥形以漆畫之每壳中
各色畫樹木人物竹籃紛錯如婦人采桑之

狀有在樹上者有倚樹下者坐卧行立種種
皆備亦有僧擲籃滿地亦有人頂籃樹底餘
率裸形男女交感橫斜俯仰上下異態不可
具言男間有作回回貌并椎髻者婦人或散
髮在後長乳尖足毛竅陰陽之物顯然抱持
牽挽一壳多者至十數對正類今之春晝然
不知作何用耳沈辯之得百枚回又云塚中
他物甚多木梳尚存圓背亦異今製銅器皆
商金銀者疑為三代物然僧不始於三代或

是北朝時魘鎮物為近

倒掛鳥大如雀綠色宿則倒掛常置籠中以好香薰之則展毛羽受香畢而飲客至置几案間仍以香引之如前展羽一室芬馥

武宗夏后居五花宮

今上陳皇后立夏后乃退居小二宮而讓之時御史葉鍾監脩江陰辦事吏王實常隨出入見宮殿皆不甚高大中置龍龕 朝廷所坐有金交椅又方木墩甚衆問內官所用乃官

人祇候傳班短者以此木立之令齊名接脚
武宗皇帝深解音律親製殺邊樂南京教坊皆
傳習余嘗聞之有笙有笛有鼓歇落吹打聲
極洪爽頗類吉利樂

宣德間崑山畫士謝庭楮雖以畫蒙寵終日侍
御園基時錢唐戴文進畫法極高與等輩十
八人行取至京皆不及戴者考試令戴畫龍
戴本以山水擅名非其本色隨常畫龍皆四
爪呈御上大怒曰我這裡用不得五爪龍

着錦衣衛重治打御棍十八、挨四、餘十七人
皆得用、命也、蓋為謝所軋云、蘇州周東村記
宣宗又嘗問謝曰、還有一戴文進、聞畫得好對
曰、是秀才畫、欠精緻、是隸家畫也、卒不得進
上海陸子淵司業亦云、戴曾畫山水進呈
宣宗、稱善、令謝視之、謝指擿其失、曰、好固好、但
舟中豈有穿紅袍釣魚之理、遂棄去弗用
孝宗朝畫士、呂紀以翎毛、呂文英以人物、皆被
恩寵、紀寧波人、文英處州人、人呼為小呂

浦城有石鵠大如青蛙待客最貴之物龍游謂
之石鴨西安有石斑魚生石池冷水味佳甚
驪山舉火因褒姒蜀道蒙塵為太真能使明妃
嫁胡虜畫工應是漢忠臣此邑人題昭君圖
名時忘其姓

邑北門順化三坊周仲義妻崔氏生女十歲時
正德六年許贅鎖巷曹黼男益益後屢以不
才絕婚父母改議他姓女誓不願而止嘉靖
元年五月間曹聞女尚居室忽送禮復尋前

盟周輒拒逐擔盒之夫且訟于官女聞惧貽辱自是茹素禮神母前托疾婉詞令鬻棺密治衾服凡置靈之所及身後事一一整備六月初三日夜沐浴更衣書詩二首至別室易新鞋縊死年二十一歲也其詩曰奴命皆因運不通雙親一念幾時空夜間得夢能分曉此事須知不苟同又曰貴家數次欲求姻罰誓堅心拜世尊正直無私未明事只從一死不須論隣人周天祥女之從祖言其曾祖周

效忠本江西南昌縣人任福建道廉使降江
陰稅課大使洪武二十四年遂占籍云

聞有為詩嘲李楊二相者云堪嘆涯翁與邃翁
兩人皆起自神童文章政事不多異詭譎奸
邪大畧同考試賣題涯怎怨選官受賄邃難
容皇天莫道無陰報箇箇教他絕後宗巷議
之口亦可畏哉

蘇州夏考功愈清介而貧松江錢學士溥在京
時除夜同沈粲在夏宅當作一春聯求沈寫

之曰座上無毡且喜身安心內樂方構思下
句夏遽云吾已得之矣對曰門前有粟誰憐
眼飽肚中饑蓋其家對倉而居故也錢至新
正三日送米六十石

蘇州月舟和尚犯姦長洲知縣聞其能詩以鶴
為題詩曰素身潔白頂圓朱曾伴僊人入太
虛昨夜藕花池畔過鷺鷥寃却我偷魚釋之
又一婦以夫盜牛事犯上縣尹詩云洗面盆
為鏡梳頭水當油妾身非織女夫倒會牽牛

免其罪

元黃振鵬

一作震朋

賜號孤雲處士綉端陽競渡圖

像如白描甚精妙大德九年作在蘇州張家

徐子擴云孤雲與施宜生同時
端陽競渡即清明上河圖也

朝廷每年四月初八日 賜文武百官午門外

吃不落英曹御史方湖弘云不落英是麵食

也

四月八日為佛節朝中皆崇尚故有此賜
然周正建子釋迦生之四月即今二月也

鎮江醫官張天民在湖廣榮王府端午賜食

不落莢云即今之粽子

鹿初生鼻邊有缺者是雄鶴初生雄者眼傍別有紅點

金陵春前一月沿街鳴鑼跳唱乞米名打春相傳

太祖見田野中有此命翰林撰詞使城中亦為之至今及其時江寧上元兩縣給批舉行不廢謂之村田樂然所唱非舊詞也

蘇州府吳縣九都一畝人孔方年五十四歲嘉靖二年十月內晚行曠野兩次聞呼其姓名

視不見人後每夜睡夢中覺有一小兒在傍
如此數次至十一月間腹內覺有肉塊日漸
長大嘉靖四年正月內肚腹時加攪痛至二
十四日穀道出血不止二十六日巳時產下
一包當即暈倒妻沈氏驚異隨將磁瓦劃開
看有一男子小軀在內身長一尺髮長二寸
耳目口鼻俱全隣婦徐氏看稱恠異即棄撇
太湖中浮熊而去里老宋盛等申呈巡按御
史朱寔昌牌仰縣丞戴玆拘送體勘孔方因

病於五月二十日該縣總申送到府覆審俱同實為災異具本奏聞仍引宋宣和六年都城賣青果男子事以祈脩省

延陵季子

札

宋兵部侍郎葛公

宮公雅

宋太師清孝葛公

忠思進叔

宋太常博士葛

公

密子發

宋兵部侍郎耿公

秉直之

宋

樞密文定丘公

密宗卿

宋寶謨待制胡公

琛叔章

宋右丞相文定葛公

必郊楚輔

宋

司農卿吳公

當可時文

宋校書趙公

祭達甫

宋知寶慶府胡公

鍾伯遠

南宋處士吳

公 欣之

元平江路府判宋公

仁輔

元睦州同知李公

士龍

元廬訪莊簡陸

公 厚仁重

元庸齋先生梁公

益直之

元

君山先生杜公

友開陽父

元時齋先生俞公

奕魯仲山

元空谷先生俞公

遠近

元梧

溪先生王公

逢原吉

元苔石先生繆公

鑑君寶

元州判張公

端希尹

編脩張公

宣藻仲

司業孫公

作大雅

鞏昌知府孫公

賈叔誠

大理寺正嚴公

本志道

右鄉賢二十六

宋知軍崔公

立之本

宋知軍王公

崇

宋知軍徐公

戴子禮

宋知軍樓公

巨錫

山

宋知軍戴公

溪肖堅

宋知軍趙公

彦适

宋知軍顏公

耆仲

宋知軍史公

寓之

元州尹張公

紹祖可

元州尹李

公

師善復初

元同知韓公

搏

梁縣令司

馬公

筠

唐縣令趙公

和

宋知縣楊

公

孝孺達甫

宋知縣林公

庚

宋縣丞于

公 漕

宋縣丞楚公

執柔

宋縣尉袁

公

燮和叔

宋教授鄭公

謬

宋教授尤

公

袤廷之

宋教授鄭公

應申

宋教授

郭公

庭堅

宋教授史公

蒙卿

宋水

軍經制李公

寶

元萬戶蒙古公

尹廐靜如

江國吳公

國興

賜名良

海國吳公

國寶

賜

名楨
幹臣

右名宦
二十七

梁武帝冬日詩雪花無有蒂冰鏡不安臺梁簡

文帝詠月詩飛輪了無轍明鏡不安臺竟成

臺城之讖宋太祖徵時田間見日出乃曰未
離海底千山黑。纔到中天萬國明。後奄有天
下其兆驗矣。又作日出詩曰日頭出來赤搭
搭。千山萬山如火簇。須臾擁出大金盤。趕退
殘星與曉月。後一百八十七年金虜入寇徽
欽北狩。竟應其須臾擁出大金盤。趕退殘星
與曉月之讖。詩雖詹詹小言。其關休咎係盛
衰。豈小哉。

蘇州賣骨董金克和嘗求春聯于沈石田翁遂

索紙筆親書一對云小門面正對三公之府
大斧頭專打萬石之家。蓋其家對俞尚書士
悅住云

鄔駙馬選時吳白樓出一對云御溝冰泮聞流
水。對曰金谷春深見落花。句雖佳而識者知
其失偶之兆。果三年喪公主。嘉靖四年朝廷

舊制封杖責駙馬二十下。減俸米八百石。說
者謂駙馬二百石。公主乃八百石云。

武宗時錢寧六月六日晒紅綠衣服。用裁縫十

六人拆衣半月曹方湖云

髮屬心、眉屬肝、鬚屬腎、故風疾多脫眉、宦官皆無鬚、此理之驗也、

夜間穿羔兒皮二更寒透狐狸皮可過三更貂鼠皮直至四更北人試驗如此貂皮色似鹿當頸有白毛儼如瓮形取以為褥卧之可醒酒蘇州許國用一褥曾求唐子畏畫遂為所得豹以小而文散者名艾葉文其價尤貴於連錢

陶南村輟耕錄第六卷載蘭亭集刻一百一十七刻壬集一十四刻中江陰丘氏二余借觀友人蘭亭一本會萃十餘刻中一刻題云蘭亭詩叙定武舊本既不易得而世俗所傳類不強人意模榻者多弱臨寫者或雜以己意甚者妄意舊本轉相模勒字畫寢瘦遂作一等肥字其波磔乃類今時人書不知晉時人未有此法也此本出於新昌石氏雖不敢望定武舊本而視今所傳為近故家遺物其有

所自来耶淳熙戊申二月五日丘壽雋書上
一錢形圖書篆東堂二字下一方圖書篆暨
陽丘氏四字按暨陽即古江陰縣名此帖必
丘氏二刻之一也錄之以備參考

外任官與京職官相遇外任官曰我愛京官有
牙牌京官曰我又愛外任有排衙

邑石頭港巡檢任忠陵縣人年五十七歲妻王
氏三十五歲嘉靖五年七月初三日子時一
胞產三男

縣西門玄妙觀道士湯秋泉房舊傳鍾磬二物
鍾一邊有漢編鐘三字一邊有太清宮三字
皆陽文小篆磬碧玉邊上一頭有大晟二字
一頭有太簇二字皆陰文古篆按唐明皇天
寶為太清宮祀老子淳化四年脩真宗祥符
六年行幸宋太宗大晟殿元豐七年始造玉
磬謂漢編鐘者如漢之制非漢鑄也大晟是
祀太宗廟太簇是此磬應此律耳皆宋物也
嘉靖六年六月十九日夜京城雨電交作次早

東江米巷大街南李學等家序上拾有銅錢
八十四文每个一一壁立在瓦隴中御史張
璠具奏災異錢進入庫

江西鄒希顏十三歲中鄉舉在場屋作文甚捷
監場布政見其通卷尚早呼籥出一對云紙
糊屏風千箇眼對曰油澆蠟燭一條心福建
戴大賓十三中鄉舉廿一二時出考科舉同
輩見其少年謂曰小朋友如此年就要做官
做到何官荅曰做閹老衆戲出一對云未老

思閣老應聲云無才做秀才衆哄然大笑知反為所傷也

大明會典載 朝廷樂器中有二十絃即篳篥也

南京謠云國子監裏聽講武定門外砲響是這等演武脩文只費朝廷糧賞

姚寬西溪叢語曰段成式酉陽雜俎有諾臯記又有支諾臯意義難解春秋左氏傳襄公十八年秋齊侯伐我北鄙中行獻子將伐齊夢

與厲公訟弗勝公以戈擊之首隊於前跪而
戴之奉之以走見梗陽之巫臯他日見諸道
與之言同巫曰今茲主必死若有事於東方
則可以逞獻子許諾疑此事也晁伯宇談助
云靈竒秘要辟兵法正月上寅日禹步取寄
生木三呪曰咄臯敢告日月震雷令人無敢
見我我為大帝使者乃斷取五寸陰乾百日
為簪二七循頭還着中人不見晁說非也成
式諸臯記序曰夫度朔司刑可以知其情狀

葆登掌祀。將以著於感通。有生盡幻。遊魂為
變。乃聖人定璿璣之式。立巫祝之官。考乎十
輝之祥。正乎九黎之亂。當有道之日。鬼不傷
人。在觀德之時。神無乏主。若列生言竈下之
駒。援莊生言戶內之雷霆。楚莊爭隨兒而禍
移。齊桓覩委蛇而病愈。徵祥變化。無日無之。
在乎不傷人。不乏主而已。成式因覽歷代怪
書。偶疏所記。題曰諸臬記。街談鄙俚。與言風
波。不足以辨九鼎之象。廣七車之對。然遊息

之暇足為鼓吹耳。

蘇州馬懷德捧星板一副十二片烏木為之。自小漸大者長七寸餘，標為一指、二指，以至十二指，俱有細刻，若分寸然。又有象牙一塊，長二寸四角，皆缺，上有半指、半角、一角、三角等字，顛倒相向，蓋周髀筭尺也。

莆田林守衷為父求夢於仙，遊九仙，以期壽限。時年六十歲，夢人持一碗肉，謂曰：「仔細吃此一碗肉，再無肉喫了。」其父聞之，曰：「吾還有十

年問何故曰七十者衣帛食肉又曰非肉不飽言再無者止此耳後至七十親家飲酒食桃腸痛驟下無疾而終果七十歲。

範養吳公寬書體學蘇西涯李公東陽嘗試效其體作斑字般字韻律詩相戲詩引有勿怪換奪蘇家行市之語于是往復各五首中多警聯西涯斑字曰心同好古生差晚力欲追君鬢恐斑。搨遍吳箋猶送錦。搨殘湘管半無斑。換羊價重街頭帖。畫虎心勞紙上斑。雲間

天馬誰爭步。水底山鷄自照斑。匏菴斑字韻。
曰硯沼百波空對影。管城一孔但窺斑。長愛
弱毫能瘦硬。戲將濃墨故爛斑。馬形始悟當
書尾。羊鞞無勞強索斑。寒蛩入戶聲初咽。拙
鳥成巢羽獨斑。西涯般字同。聊以師模歸有
若。敢將交行比顏般。鄭師乍許三降楚。墨守
終能九却般。文心捧處慚施女。筆陣圍時困
楚般。匏菴般字曰臨模。惡札勞唐紙。結構奇
材得魯般。屢屈漢庭陪絳灌。遠輸齊粟荷姚

般。庶頗謝罪。宜先蘭。趙鞅行軍已殿般。耶復據鞍如馬援。不因奪邑愠劉般。西涯諸聯已自載于詩話中。余特并載鮑菴之作。以見二公之競藻于一時者如此云。

經義所檢討江陰布衣劉谷嘗獻書于朝廷。元祐庚午冬有欲中熙寧大臣者。諷村民以田事進狀。訟谷事下淮東憲司。推治時蘇子瞻守揚州。淮憲內懷觀望。谷惧禍。見翁書天字七以示之。其文如此。

天天天

天並列者三而一

綴於六字之下谷默領其意乃變姓皇甫逃
於廬山嘗至饒州安仁婿蔣公靜之官所淮
憲以聞有旨治靜匿谷事谷逃三年至紹聖
而田事直靜亦會恩乃免此載徐神翁語錄
神翁姓徐名太更名守信泰州海陵人居冲
真坊樂真橋之側嘉祐初執役天慶觀持帚
洒掃十數年人無識者止呼為徐二翁蔣公
之奇號為神翁

蘇老泉辨姦論族譜亭記葉石林避暑錄話周

公謹齊東野語二書中載當時作二文之情
實余錄之為索隱者助焉葉云蘇明允本好
言兵見元昊叛西方用事久無功天下事有
當改作因挾其所著書嘉祐初來京師一時
推其文章王荊公為知制誥方談經術獨不
喜之屢詆於衆以故明允惡荊公甚於仇讐
會張安道亦為荊公所排二人素相善明允
作辨姦一篇密獻安道以荊公比王衍盧杞
而不以示歐文忠荊公後微聞之因不樂子

瞻兄弟兩家之隙遂不可解辨茲久不出元
豐間子由從安道辟南京請為明允墓表特
全載之蘇氏亦不入石比年稍傳于世荆公
性固簡率不緣飾然而謂之食狗彘之食囚
首喪面者亦不至是也周云滄洲先生程公
許字季與眉山人士至文昌寓居雪上與先
子從容談蜀中舊事歷歷可聽其言老泉族
譜亭記言鄉俗之薄起于某人而不著其姓
名者蓋蘇與其妻黨程氏大不咸所謂某人

者其妻之兄弟也。老泉有自尤詩述其女事
外家不得志以死其辭甚哀則其怨隙不平
也久矣其後東坡兄弟以念母之故相與釋
憾程正輔於坡為表弟坡之南遷時宰聞其
先世之隙遂以正輔為本路憲將使之甘心
焉而正輔反篤中外之義相與周旋之者甚
至坡詩往復唱和中亦可槩見也正輔上世
為縣錄事縣有殺人者獄已具程獨疑之因
緩其事多方物色之果得真殺人者而繫者

遂得釋他日役滿家居夢神告之曰汝有清
寃獄之功當令汝子孫名宦相繼為衣冠盛
族至其子遂擢第其後益大如夢言然多行
不義德馨弗聞

李閭老東陽清明上河圖後記云右清明上河
圖一卷宋翰林畫史東武張擇端所作上河
云者蓋其時俗所尚若爭之上冢然故其盛
如此也圖高不滿尺長二丈有奇人形不能
寸小者纔一二分他物稱是自遠而近自略

而詳自郊野以及城市、山則巍然而高、隕然而卑、窪然而空、水則澹然而平、淵然而深、迤然而長、引突然而湍、激樹則槎然、枝鬱然秀、翹然而高、蔚然而莫、知其所窮、人物則官士農賈、醫卜僧道、胥隸、篙師、纜夫、婦女、臧獲之行者、坐者、問者、荅者、授者、受者、呼者、應者、騎而馳者、負者、戴者、抱而携者、道而前呵者、執斧鋸者、操畚鍤者、持杯罍者、袒而風者、困而睡者、倦而欠伸者、乘輜褕、簾以窺者、又有以

板為輿無輪箱而陸曳者有牽重舟泝急流
極力寸進圜橋匝岸駐足而旁觀皆若交驢
助叫百口而同聲者驢羸馬牛橐駝之屬則
或馱或載或卧或息或飲或秣或就橐駝草
首入橐半者屋宇則官府之衙市廛之居村
野之莊寺觀之廬門窓屏障籬壁之制間見
而層出店肆所鬻則若酒若饌若香若藥若
雜貨百物皆有題扁名氏字畫纖細幾至不
可辨識所謂人與物者其多至不可指數而

筆勢簡勁、意態生動、隱見之殊形、向背之相
準、不見其錯誤、改竄之跡、殆杜少陵所謂毫
髮無遺憾者、非蚤作夜思、日累歲積、不能到
其亦可謂難已、此畫當作於宣政以前、豐亨
豫大之世、卷首有祐陵瘦筋五字、籤及雙龍
小印、而畫譜不載、金大定間、燕山張著有跋、
據何氏書畫記、謂與西湖爭標圖俱選入神
品、既歸元秘府、至正間、為裝池官匠以似本
易去、售于貴官某氏、某守真定、主藏者復私

之鬻于武林陳彥廉氏陳有急又聞守且歸
惧不能守西昌楊準以重價購之而具述其
故云爾後又為靜山周氏所得吾族祖雲陽
先生為跋其後又有藍氏珍玩吳氏家藏諸
印皆無邑里名字不知何年復入京師予始
見于大理卿朱文徵家為賦長句後為少師
徐文靖公所藏公未屬續謂雲陽手澤所在
治命其孫中書舍人文燦以歸于予嗚呼韓
退之畫記其所閼繫幾何旋復喪失獨其文

奇妙故傳之至今。今有圖如此。又於予有世澤之重而予之文不足以發之。姑撮其要如此。

戶部洪武三年十一月二十六日欽奉 聖旨

說與戶部官知道。如今天下太平了也。止是戶口不明白。俚教中書省置下天下戶口的勘合文簿。戶帖你每戶部家出榜去教那有司官將他所管的應有百姓都教入官附名字寫着他家人口多少。寫得真着與那百姓

一箇戶帖上用半印勘合都取勘来了我這
大軍如今不出征了都教去各州縣裏下着
逵地里去點戶比勘合比着的便是好百姓
比不着的便拏来做軍比到其間有司官吏
隱瞞了的將那有司官吏處斬百姓每自趨
避了的依律要了罪過拏来做軍欽此除欽
遵外今給半印勘合戶帖付本戶收執者

一戶某 府 州 縣 鄉 都 保附籍

戶計家

口

男子

口

成丁
不成丁

婦女

口大

事產

基田
瓦草屋

右戶帖付某

收

執准此

洪武三年十一月

日此帖人罕

得見矣余從一處覓來錄之以備典故周圍
梅花欄大不滿二尺號數處用部印合同半
鈐年月日下空處用全印後有一大部字印
下花押直連者三又橫並者三無官吏職銜
姓名背後沿邊縣刊一小牽長腔宕印于其
上首行云江陰縣提調官下分注知縣錢文
德縣丞傳學第二行司吏麋宗文第三行典

史朱貫道每人皆有花押未行洪武三年十一月日縣印向前不在年月處今制科場有提調官名府縣考試正官亦稱提調餘無稱者並不及之佐貳按此則以提調為通稱矣余邑志弘治時蘭谿黃公傳為令慨前志簡畧極力蒐討以成之于洪武三年任書知縣吳志遠按此則三年任乃錢文德非吳也錢傳麋朱四姓名無一見者邑尚未設主簿黃於典史下注云初名掌史按此豈掌史之名

更在前耶吏宜列于官之後而此司吏云者
抑亦雜沍類耶豈當時吏固在典史上耶今
不可考矣嗟嗟據邑志之闕漏尚如此則國
史得失譚又何容易也凡片紙隻字關典故
者斷不可輕棄

成化癸卯三月吾邑為闢寺王敬所擾巨室珍
玩自此一空賂足以饜其欲者始得免多竄
跡以避之有故老談及迄今猶令人色變

蘇東坡有與李方叔公據蓋恐方叔賣所遺玉

鼻騂為之立公據以便之公據券也

黃山谷跋云子

瞻妙墨作券或責方叔當乘之安用汲汲索錢此又不識痒痛者從傍論砥疽爾

金陵姚宣寅齋聞見云無錫儒士朱公綆訓蒙於妻宗徐養素家月明客中岑寂倚樓閒眺見一白犬向月而拜至月午抖擻化為一道士騰空而去公綆見之驚惧不敢寢坐以待旦鐘鳴從西南回至舊地又拜却復本形而去次日公綆密告養素即呼群犬咸至惟不見此犬尋之乃寐於靜處養素殺之而絕

邑訓導張用齋庸送知縣饒公免官還鄉序云
洪武九年秋八月有司欽奉詔條凡在官
者其族屬有麗於法聽其解職還鄉里江陰
令饒公玄德其族屬適於法有相值者於是
得白於有司去歸其鄉邑余觀用齋漫稿摘
此段以見國初之法云在今則官勢重而民
命輕矣噫

紹興十八年同年小錄今題為朱文公同年錄
第一甲第一人王佐第五甲第九十人朱熹

第四甲第一百六人王訢字亨之小名七斤小字斤斤年三十一三月二十四日生外

氏蔡 偏侍下 第四 兄弟四人 五舉

娶韓氏

曾祖正路

故任比部郎中知濮州贈金紫光祿大夫

祖邁

故任中奉大夫

父庶

故任從

本貫江

陰軍江陰縣太寧鄉就日里祖為戶

咸通初有天水趙弘者任江陰令以片言折獄

著名猶是累宰劇邑皆以雪寃獲優考至於疑似晦偽之事悉能以情辯之時有楚州淮

陰農者比莊頃以歲豐而貨殖焉其東鄰則
拓腴田數百畝資鏹未滿因以莊券質於西
鄰代緡百萬契書顯驗且言來歲賣本利以
贖至期果以腴田獲利首以貯財贖契先納
八百緡第檢置契書期明日以殘資換券所
隔信宿且恃通家因不徵納緡之籍明日賣
餘鏹至遂為西隣不認矣且無保證又乏簿
籍終為所拒東鄰寃訴於縣縣為追勘無以
證明邑宰謂曰誠疑尔寃其如官中所賴者

券乏此以證何術理之復訴于州州不能辨
東鄰不勝其憤遠聆江陰之善政訟者乃越
江而南訴于趙宰趙宰謂曰縣政地卑且復
踰境何計奉雪東鄰則寃泣曰此地不得理
則無由自滌也趙曰第止吾舍試為思之經
宿召前曰吾計就矣尔果不妄否則又曰焉
敢厚誣趙曰誠如是言當為寘法乃召捕盜
之幹事者數輩至淮壩曰有聚嘯而寇江者
按劾已具且言有同惡相濟者在某居處名

姓形狀俱以西鄰指之。請械送至北。先是隣
州條法。唯持刃截江。無得截匿。追牒至彼。果
擒以來。然西鄰自恃無跡。未甚加惧。至則旅
于庭下。趙厲聲謂曰。幸耕織自活。何為寇江。
囚則號呼。淚隨曰。稼穡之夫。未嘗舟楫。趙又
曰。辯證甚明。且姓氏無差。或言偽而堅。則血
膚取實。囚則大恐。叩頭見血。如不勝其冤者。
趙又曰。所盜率多金銀錦綉。非農家所宜有
也。汝宜籍舍之產以辯之。囚意稍開。謂皆非。

所貯者。且不疑東鄰之越訟也。乃言有稻若干斛。莊客某甲筭納到者。絀絹若干疋。家機所出者。錢若干貫。東鄰贖契者。銀器若干件。匠某鍛成者。趙宰大喜。即再審其事。復謂曰。汝果非寇江者。何為諱東鄰所贖八百千。遂引訴鄰。令其偶直。於是慙惧灰色。祈死廳前。趙令桎梏。往本土檢付書契。然後寘之于法。參寥子曰。江陰邑之選者。天水吏之微者。卓魯之政。無由人知。史氏宜探此。以廣當朝循。

史傳此載宋參寥子高彥休譔闕史中太平
廣記作唐闕史天水趙休譔弘作趙和見一
百七十二卷精察二

孔毅父珩璜新論云或疑褚先生為褚大非也
按儒林傳褚大董仲舒弟子也平準書褚大
為武帝使而褚先生者哀成間人也孝武帝
紀注褚先生名少孫為漢博士

世俗春畫鄙褻之甚有賈人携倭國春畫求售
其圖男女惟遠相注眺近者以扇掩面畧偷

眼觀有浴者亦在幃中僅露一時殊有雅致
其綃極細點染亦精工因價高還之

施彥執北窓炙輶云黃致一初進科場方十三
歲時出腐草為螢賦題未審有何事跡同場
皆以其兒童易之漫告之曰螢則有若所謂
聚螢讀書草則若所謂青青河畔草又若所
謂君子之德風小人之德草皆可用也其事
皆牢落不羈同場姑以塞其問元非事實也
致一乃用此為一隔句曰昔年河畔嘗叨君

子之風。今日囊中復照聖人之典。遂發解利。無言年十七歲在太學時。稱俊才。先季試讀。司馬穰苴傳曰。將在軍。君命有所不受。乃謂同舍曰。某明日策中必有用此句。明日問神宗實錄其問。乃與昨日事殊。無言。乃對曰。秉筆權猶將也。雖君命有所不受。此一策奇甚。諸長者皆拱手。遂作魁。此皆一時英妙可喜。故事無工拙。顧在下筆何如耳。宋蔡條撰鐵圍山叢談云。大科始進文字。有合則召試秘。

書省出六論題於九經諸子百家十七史及其傳釋中為目而六論者以五通為過焉以是學士大夫自非性天明洽筆陣豪異則不能為之也蓋六論猶足完獨以不記出處為苦昔東坡公同其季子由入就御試共白厥父明允慮一有點落柰何明允曰我能使汝皆得之一和題一罵題可也繇是二人果皆中故知場屋要訣全在善運筆善藏短

仁和胡公世寧自題其像曰信而未孚者多言

也。正而未諒者多戲也。周而若比者好稱人之善也。恕而若刻者多嫉人之奸也。過而有甚于此者輕賤龕踈也。然則無一長可取與曰瞞人之事弗為。害人之心弗存。有利於國之事雖死弗避。三者吾將持是以終身焉。而前數者氣質之偏則亦庶乎其有改也。此在南兵部為主事時作。

魏莊渠云近世奏議往往是舉業否則吏牘或

一篇古文詞胡端敏公論事剴切讀之令人

戒菴老人漫筆卷之一